



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**  
**Služba civilne zaštite**

---

## **INFORMACIJA**

### **O ORGANIZOVANJU I FUNKCIONIRANJU SISTEMA ZAŠTITE I SPAŠAVANJA I ZAŠTITE OD POŽARA NA PODRUČJU OPĆINE TEŠANJ ZA 2015. GODINU**

#### **UVOD**

Informacija o organiziranju i funkcionisanju sistema zaštite i spašavanja i sistema zaštite od požara bazira se na dosadašnjoj realizaciji Programa razvoja sistema zaštite i spašavanja 2012-2016. („Službeni glasnik Općine Tešanj“, br. 2/12) kojim su određeni ciljevi, politika i strategija zaštite i spašavanja ljudi i materijalnih dobara od prirodnih i drugih nesreća za period 2011- 2016. godinu, kao i u propisima iz oblasti zaštite i spašavanja i zaštite od požara Općine, Kantona i Federacije BiH.

Ovdje se mora napomenuti da općina, kao jedinica lokalne samouprave ima centralno mjesto i ulogu u sistemu zaštite i spašavanja, iz razloga što se na području općine odvija ukupan život i rad ljudi i što su tu smještene sva materijalna i druga dobra.

#### **I SISTEM ZAŠTITE I SPAŠAVANJA**

Radi dobivanja objektivne slike trenutnog stanja i nivoa razvoja oblasti zaštite i spašavanja na području općine Tešanj i potpunog uvida, ova Informacija je izrađena kroz presjek osnovnih segmenata zaštite i spašavanja i to :

1. Lična i uzajamna zaštita građana,
2. Mjere zaštite i spašavanja,
3. Štabovi civilne zaštite,
4. Službe zaštite i spašavanja,
5. Jedinice civilne zaštite,
6. Povjerenici civilne zaštite
7. Rukovođenje i upotreba snaga zaštite i spašavanja.

Kompletnu organizaciju civilne zaštite na općini Tešanj vodi Služba civilne zaštite čiji su položaj, ovlaštenja i odgovornosti utvrđeni članom 31. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj : 39/03, 22/06 i 43/10).

#### **STANJE ORGANIZOVANOSTI ZAŠTITE I SPAŠAVANJA**

##### *a) Lična i uzajamna zaštita*

Lična i uzajamna zaštita predstavlja najmasovniji oblik pripremanja i organizovanog učešća građana u zaštiti i spašavanju. Provodi se na svim mjestima gdje ljudi žive i rade, a obuhvata: obuku

građana, mjere i postupke preventivne zaštite, prvu pomoć i samopomoć i druge hitne intervencije u zaštiti ljudi i materijalnih dobara koje vrše sami građani .

Značaj ove vrste obuke je poseban, prvenstveno što građani u uslovima kada su ugroženi ljudski životi i materijalna dobra ne smiju biti pasivni promatrači događaja, već aktivni učesnici u zaštiti i spašavanju. Ista se u protekloj godini, realizovala u dijelu provođenja mjere zaštite i spašavanja od požara i drugih mjera i to sa:

1. učenicima i nastavnicima osnovnih škola,
2. edukacija povjerenika, o značaju i zadacima CZ kao i ulozi povjerenika u MZ u provođenju aktivnosti i mjera zaštite i spašavanja.
3. obaviještavanje putem medija o provođenju preventivnih mjera zaštite od požara i zaštiti od neeksplozivnih ubojnih sredstava (NUS),
4. kroz manifestaciju „OKTOBAR MJESEC- MJESEC ZAŠTITE OD POŽARA“ gdje je čitav mjesec posvećen zaštiti i spašavanju i zaštiti od požara. Treba spomenuti i aktivnosti koje su se odvijale na zahtjev škola i i vrtića, a imale su za cilj educiranje mladih populacija iz oblasti zaštite i spašavanja.

U ostvarivanju navedene zaštite, značajno mjesto imale su i aktivnosti udruženja i organizacija poput Crvenog križa, dobrovoljnih vatrogasnih društava, gdje se putem istih provodi obuka školske i vanškolske omladine u pružanju prve medicinske pomoći, obuka, i sl.. Podršku u realizaciji ovih programa, ova udruženja imala su u organima i Službi civilne zaštite.

Posebno treba istaći kampanju koja se vodila i koja se i dalje vodi na edukaciji stanovništva iz oblasti zaštite od neeksplozivnih ubojnih sredstava (NUS) i minsko-eksplozivnih sredstava (MES).

#### *b) Mjere zaštite i spašavanja*

Postojeći nivo razvoja sistema zaštite i spašavanja u općini teži ka svom napredovanju, tj. Služba civilne zaštite i Općinski štab civilne zaštite intenzivno rade da se ovaj kompleksan sistem unaprijedi kroz opremanje prioritetnim materijalnim sredstvima i potpunom neophodnih struktura za adekvatno provođenje mjera zaštite i spašavanja.

Mjere zaštite i spašavanja su organizovane radnje i postupci preventivne i operativne prirode koje pripremaju i provode u okviru svog djelokruga rada organi uprave i drugi organi vlasti i pravna lica, kao nosioci zaštite i spašavanja. Nosioci zaštite i spašavanja planiraju i pripremaju:

- Mjere i postupke od značaja za provođenje preventivne zaštite, kao osnovnog vida sprečavanja nastajanja prirodne ili druge nesreće ili ublažavanja njenog djelovanja,
- Mjere i postupke zaštite i spašavanja u slučaju postojanja neposredne opasnosti od nastanka prirodnih i drugih nesreća,
- Mjere i postupke zaštite i spašavanja tokom trajanja prirodnih i drugih nesreća,
- Mjere i postupke za ublažavanje i otklanjanje posljedica od prirodnih i drugih nesreća.

Radi dužne pažnje, obzirom na važnost stanja u tim segmentima zaštite i spašavanja, a tako unapređujući ukupni nivo iste izrađena je Informacija o deminiranju minskih polja i uklanjanju NUS-a na području općine Tešanj za 2015. godinu koje je Općinsko vijeće usvojilo na svojoj redovnoj februarskoj sjednici.

Od strateških dokumenata, koji su vezani za provođenje navedenih mjera zaštite i spašavanja na području općine, doneseni su:

- *Procjena ugroženosti zaštite od požara na području općine Tešanj,*
- *Plan zaštite od požara za područje općine Tešanj,*
- *Procjena ugroženosti općine Tešanj od prirodnih i drugih nesreća*
- *Program razvoja sistema zaštite i spašavanja općine Tešanj 2012-2016.*
- *Plan zaštite i spašavanja ljudi i materijalnih dobara od prirodnih i drugih nesreća na području općine Tešanj* koji omogućava pravovremeni razvoj preventivne zaštite i spašavanja na području

Općine, odnosno pravovremene pripreme i optimalnu organizaciju sistema zaštite i spašavanja za djelovanje u situacijama prirodne i druge nesreće, kao i na saniranju posljedica od ovih nesreća.

Od ostalih organizacijskih dokumenata doneseni su:

- *Odluka o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj,*
- *Odluka o osnivanju Općinskog štaba civilne zaštite,*
- *Odluka o formiranju i organizovanju jedinica civilne zaštite opće namjene općine Tešanj*
- *Odluka o organizovanju službi zaštite i spašavanja na području općine Tešanj*

c) *Općinski štab civilne zaštite*

Općinski štab civilne zaštite, kao stručno-operativni organ za provođenje zaštite i spašavanja na području općine, izvršava zadatke u fazi priprema Općine za zaštitu i spašavanje, kao i u situacijama nastanka prirodne i druge nesreće kada rukovodi akcijama zaštite i spašavanja. Za organiziranje i funkcionisanje doneseni su potrebni općinski propisi. Pored Komandanta i Načelnika, Štab civilne zaštite ima i deset članova, koji su postavljeni rješenjem Općinskog načelnika. Zbog odlaska člana Štaba za informisanje u penziju trenutno je ostalo ne popunjeno navedeno mjesto, tako da je Štab popunjen sa 12 umjesto po formaciji 13 pripadnika. Radi planskog i organiziranog rada Štab je donio godišnji Plan aktivnosti. Stručne poslove za potrebe Štaba obavlja Služba civilne zaštite općine Tešanj. Organizacija i popuna ljudstvom Općinskog štaba CZ omogućava izvršavanje namjenskih zadataka. Pored pripadnika Štaba iz Službe CZ, u isti su postavljena i lica drugih tijela, organa i pravnih lica općine Tešanj (Služba Hitne pomoći Doma zdravlja Tešanj, JP "Rad" Tešanj, Veterinarska stanica d.o.o Tešanj, Crveni križ Tešanj i Policijska stanica Tešanj) čime i Štab postaje autoritativan i kompetentan organ civilne zaštite. Svi članovi štaba prošli su teoretsku i praktičnu obuku.

Popuna Štaba materijalno-tehničkim sredstvima prema ličnim i materijalnim formacijama struktura civilne zaštite općine Tešanj izvršena je u smislu nabavke lične opreme, pa je tako za sve članove štaba nabavljeno jakne sa svim obilježijima, natpisima i činovima, fluorescentni prsluci, kišne kabanice i čizme kako je to i formacijski propisano.

Tokom 2015. godine Općinski štab CZ je razmatrao ulogu mjesnih štabova područja, te je donio zaključak da uslovima rada povjerenika štabovi mjesnog područja nisu neophodni, što je i zakonski definisano, jer povjerenici u ovakvim uslovima preuzimaju određenu ulogu štaba mjesnog područja. U skladu sa tim Općinsko vijeće je donijelo Odluku o izmjenam i dopunama Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj ("Službeni glasnik Općine Tešanj", broj: 2/14 kojom su ukinuti štabovi mjesnog područja.

d) *Službe zaštite i spašavanja*

Službe zaštite i spašavanja organizirane su Odlukom o organizovanju službi zaštite i spašavanja na području općine Tešanj, i njihovim formiranjem realizovan je dio Programa razvoja zaštite i spašavanja kojim su predviđeno pet službi zaštite i spašavanja na nivou općine i to:

- Služba za medicinsku pomoć,
- Služba za asanaciju, vodosnabdijevanje i čistoću,
- Služba za veterinarsku pomoć,
- Služba za spašavanje sa visina i iz ruševina i
- Služba zaštite od požara.

Službe imaju jasno definisane zadatke, a uglavnom se radi o zadacima koje uposlenici pravnog subjekta izvršavaju kao redovnu djelatnost.

Angažovanje službi se vrši po naredbi Općinskog štaba CZ, a u situacijama kad neposredno prijeti opasnost ili je nastala prirodna, odnosno druga nesreća.

Naziv službe	Preduzeće	Formacija	Po formaciji	Popunjen
Služba za medicinsku pomoć	JU Doma zdravlja Tešanj	vod	30	30
Služba za asanaciju, vodosnabdjevanje i čistoću	JP Rad Tešanj	vod	41	41
Služba za zaštitu životinja	JP Veterinarska stanica doo Tešanj	odjeljenje	16	7
Služba za spašavanje iz ruševina	AB TRANS doo Tešanj	odjeljenje	10	10
Služba zaštite od požara	DVD Jelah i DVD Tešanj 1905	vod	19	19
<b>UKUPNO</b>			<b>116</b>	<b>107</b>

Popuna službi zaštite i spašavanja

Također, tokom 2015. godine prema planu Općinskog štaba civilne zaštite izvršena je nabavka kabanica i fluorescentnih prsluka sa oznakama za sve pripadnike službi zaštite i spašavanja, a preostala lična oprema će biti dopunjena i tokom 2016. godine.

#### *e) Jedinice civilne zaštite općine*

Jedinice civilne zaštite organizovane su Odlukom o formiranju i organizovanju jedinica civilne zaštite opće namjene općine Tešanj. Namjena je neposredno angažovanje na izvršavanju zadataka zaštite i spašavanja ljudi i materijalnih dobara od prirodnih i drugih nesreća, kao i otklanjanje posljedica nastalih djelovanjem tih nesreća. Na osnovu Procjene ugroženosti Općina Tešanj i Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj organizovana je jedinica civilne zaštite opće namjene, koja je namijenjena za djelovanje na području cijele Općine i to samo po naredbi Općinskog štaba.

Trenutno se vode aktivnosti na popuni predviđene formacije jedinice opće namjene, čime će organizovane strukture civilne zaštite biti u potpunosti popunjene.

#### *f) Povjerenici civilne zaštite*

Svi povjerenici njih 125 su imenovani donošenjem rješenja Općinskog načelnika. Redovno se i u kontinuitetu vrši obuka, pa je i u 2015. godini izvršena obuka povjerenika CZ, obzirom da isti predstavljaju jedan od najbitnijih segmenata na relaciji građani i operativne snage civilne zaštite. Redovnu obuku je do sada prošlo 80 povjerenika i isti su zadužili određenu opremu, dok za ostale predstoji obuka i u 2016. godini,.

U 2015. godini izvršena je nabavka i opremanje povjerenika koji su prošli obuku, te je istim dodjeljena kabanica i fluorescentni prsluk sa oznakama za vrijeme angažovanja. Organizacija povjerenika u sistemu zaštite i spašavanja na području općine regulisana je Odlukom o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području općine Tešanj, sa ciljem da se obezbijedi organiziran način angažiranja građana u akcijama zaštite i spašavanja i njihovoj zaštiti, a kroz neprekidno i kvalitetno funkcionisanje sistema rukovođenja akcijama zaštite i spašavanja. Njihova uloga je bitna iz razloga što su odlukom ukinuti štabovi mjesnog područja, pa ulogu štaba preuzima povjerenik na području za koje je određen sa svim ovlaštenjima štaba. Iz praktičnih razloga za sve mjesne zajednice je određeno po pet povjerenika. Svim povjerenicima izdata su rješenja iz kojih proizilaze i međusobna prava i obaveze organa koji vrši postavljenje i lica koja se imenuju za povjerenika. Angažiraju se po naredbi Općinskog štaba CZ u svim fazama zaštite i spašavanja: preventivnoj, operativnoj i sanacionoj. Popunjenost povjerenika u MZ je 100% (125 osoba):

*g) Služba civilne zaštite*

Upravne, stručne i druge poslove u oblasti zaštite i spašavanja iz nadležnosti općine obavlja općinska služba civilne zaštite, koja ima status općinske službe za upravu.

Donošenjem novog Zakona o zaštiti od požara i vatrogastva („Službene novine Federacije BiH“, broj : 64/09) nadležnosti općinske službe civilne zaštite su proširene u oblast zaštite od požara i vatrogastva.

Postojanje ove službe je veoma nužno, posebno što su poslovi zaštite i spašavanja raznovrsni i obimni i od posebnog su značaja za općinu. Ova ocjena proizlazi iz činjenice da razne prirodne i druge nesreće mogu ugroziti ljude i materijalna dobra na cijelom području općine i nanijeti velike štete u ljudskim životima i materijalnim dobrima.

*h) Operativni centar civilne zaštite općine Tešanj*

U skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH" broj:08/03, 22/06 i 43/10.), te Pravilnika o organiziranju i funkcioniranju operativnih centara CZ ("Službene novine FBiH" broj: 08/07.), formiran je operativni centar općine Tešanj koji djeluje u sastavu Službe civilne zaštite općine Tešanj.

Operativni centar CZ funkcionira i u ratu i miru kada ima važnu ulogu u zaštiti i spašavanju i posebno je nadležan za vršenje tri osnovne vrste poslova:

- da prikupi podatke o pojavama i opasnostima koje mogu dovesti do prirodne i druge nesreće,
- da obradi, te analizira podatke i odmah ih dostavi nadležnim organima vlasti i pravnim licima na nadležno odlučivanje i postupanje,
- da prenese naredbe Općinskog štaba CZ kada isti funkcionira, a ujedno predstavlja informacijsko-komunikacijsku podršku svim učesnicima u zaštiti i spašavanju u ostvarivanju njihove funkcije.

Operativni centar CZ funkcionira tako što svakodnevno ostvaruje kontakte sa subjektima koji su dužni dostavljati podatke i informacije o pojavama i opasnostima koje mogu dovesti do prirodne i druge nesreće. Iste obrađuje i odmah ih distribuira nadležnim organima vlasti i pravnim licima, a određene informacije prosljeđuje i sredstvima informisanja u cilju informisanja stanovništva.

OPREMA	KOLIČINA	NAPOMENA
Komutacioni pult	1 kom.	
Personalni računar	1 kom.	
Radio uređaj VHF ICOM	16 kom.	-1 operativni centar -4 štab CZ -9 PVJ -1 Hitna pomoć -1 Policijska stanica
Radio uređaj HF MICOM ALE	1 kom.	
EDK sistem za uzbunjivanje-terminal	1 kom.	
VHF Repetitor	2 kom.	
Sirene električne	5 kom.	
Sirene elektronske SES	1 kom.	
LAN mreža		

Uspostavljene su radijske veze na VHF i HF opsegu. VHF vezama pokriven je dio područja općine obzirom da je Općina Tešanj u fazi zamjene analognih radio sistema sa digitalnim u skladu sa pravilima i dozvolama Regulatorne agencije za komunikacije (RAK). Obzirom da se radi o zamjeni

značajne količine opreme ista se provodi fazno, te pojedini diejlovi općine u skladu sa tim nisu pokriveni radijskom vezom. Pored repetitorkih stanica neophodno je postavljenje wireless prenosnih stanica za prijenos radio signala, kako bi se u potpunosti uspostavila radijska veza na cijelom području općine. U prvoj fazi radijskom vezom su povezani Služba hitne pomoći i Policijska stanica Tešanj. Veza na HF opsegu namjenjena za komunikaciju po vertikalnoj i horizontalnoj strukturi organizacije civilne zaštite kantona i Federacije, ali još nije uspostavljena prema projektima viših organa vlasti.

Pokrivenost signalnim sistemom za uzbunjivanje područja općine je oko 60%, što je zadovoljavajuće obzirom da su pokrivena područja koja su i najugroženija. Instalirano je 6 električnih sirena (Paklanica, Enker, Policijska stanica Tešanj, Vatrogasni dom, Tešanjka i Jelah). Prekidom na TT vodovima iz nadležnosti telekom operatera, od operativnog centra do sirena na Paklanici i Policijskoj stanici, prestale su da funkcionišu navedene sirene putem automatskog uključivanja iz operativnog centra. Na ovaj način samo sirene na zgradi Vatrogasnog doma i Enkera su uključuju automatski, dok ostale sirene manuelnim putem. U toku su aktivnosti oko iznalazjenja rješenja sa telekom operaterom.

Treba napomenuti, da se približavanjem ulaska Bosne i Hercegovine u evropski sistem zaštite i spašavanja, koji zahtjeva uvođenje jedinstvenog kodnog broja 112 za pozivanje u hitnim situacijama, provode aktivnosti na nivou cijele Bosne i Hercegovine kako bi se uveo ovaj sistem pozivanja u svim operativnim centrima civilne zaštite. Zavisno od modela koji bude odabran za implementaciju, zavisit će i organizacija operativnih centara.

## II ZAŠTITA OD POŽARA

### 1. UVOD

Zaštita od požara na području općine Tešanj organizovana je kroz Službu civilne zaštite odnosno Odjeljenje zaštite od požara i vatrogastva - profesionalna vatrogasna jedinica Tešanj, na osnovu Zakona o zaštiti od požara i vatrogastva (Sl. novine FBiH broj: 64/09), Zakona o zaštiti i spašavanju ljudi i materijalnih dobara (Sl. Novine FBiH broj: 39/03, 22/06 i 43/10) i Zakona o zaštiti od požara ZE-DO kantona (Sl. novine ZE-DO kantona broj: 5/11).

### 2. ORGANIZACIJA VATROGASTVA NA PODRUČJU OPĆINE TEŠANJ

Vatrogasne snage za obavljanje vatrogasne djelatnosti na području općine Tešanj su:

- a) Profesionalna vatrogasna jedinica Tešanj, koja predstavlja **osnovne snage** za vatrogastvo;
- b) Služba zaštite od požara, koja predstavlja **dopunske snage** za vatrogastvo;
- c) Dobrovoljne vatrogasne jedinice Dobrovoljnog vatrogasnog društva „Tešanj 1905“ i Dobrovoljnog vatrogasnog društva „Jelah“;
- d) Operativni centar civilne zaštite općine, koji osigurava komunikacijsko – informacijsku podršku, vatrogasnoj jedinici, štabovima civilne zaštite i drugim organima koji rukovode akcijama zaštite i spašavanja na ugroženom području,
- e) Štab civilne zaštite općine.

### 3. OPERATIVNO DJELOVANJE VATROGASACA

#### VATROGASTVO

Vatrogasna jedinica Tešanj u 2015. godini realizovala je svoje redovne obaveze na području općine Tešanj na površini od 163 km<sup>2</sup> i imala je **63 intervencije** gašenja požara i spašavanja ljudi i imovine. Rad u jedinici se odvija u smjenama po 12 sati uz stalno dežurstvo u vatrogasnoj službi 24 sata dnevno sa po **2 člana** smjene, Starješina grupe i vatrogasac.

### Tabelarni prikaz formacije PVJ

RED. BR.	FUNKCIJA	POTREBNO	POPUNJENO	UKUPNO	STAROSNA STRUKTURA			
					Do 35	35-45	45-60	Od 60
1.	Starješina jedinice	1	-	-	-	-	-	-
2.	Starješina grupe	5	5	5	1	2	2	-
3.	Vatrogasac vozač	5	3	3	-	2	-	-
4.	Vatrogasac-serviser	2	2	2	-	-	1	1
5.	Vatrogasac	5	2	2	1	1	-	-
6.	UKUPNO:	18	12	12	2	5	4	1

U 2015. godini jedan vatrogasac je stekao uslove za penziju, a njegovo mjesto je popunjeno u 2016. godini.

### 4. OPREMLJENOST VATROGASNE JEDINICE

Vozni park ove jedinice je dosta poboljšan sa nabavkom dva vozila, ali svakako u narednom periodu potrebno je uložiti dodatne napore na nabavci drugih potrebnih vozila.

#### Tabelarni prikaz vozila

Red. Br.	Marka i tip vozila	Namjena vozila	God. proizv.	Sadržaj vozila			Starost Vozila (godine)
				Voda	Prah	Pjena	
1.	MAN	Cisterna	2001	12000			15
2.	MERCEDES 2400	Navalno	1972	2500			44
3.	TAM-5000	Cisterna	1976	5000			40
4.	FAP-1616	Kombinovano	1981	4500	1000	500	35
5.	MERCEDES 5000	Navalno	1984	5000		500	32
6.	WV CADY	Dostavno	2008				8
7.	BAGER	Radno	2003.				13
8.	ŠKODA ROOMSTER	Putničko	2010				6
9.	FORD TRANSIT	Malo navalno vozilo	2013	1000		100	3
10.	FORD RANGER	Malo tehničko vozilo	2013	150			3

### 5. STANJE ZAŠTITE OD POŽARA

#### Pregled intervencija gašenja požara 2009-2015. godina

Vrste požara	2009.	2010.	2011.	2012.	2013.	2014.	2015.
STAMBENI OBJEKAT	17	11	15	19	13	10	17
SAOBRAĆAJNI UDESI-POŽARI	8	6		5	6	9	11
POMOĆNE ZGRADE	8	2	5	8	8	4	4
ŠUMA I NISKO	7	5	62	84	13	15	22

RASTINJE							
POSLOVNI OBJEKTI	8	4	7	7	8	6	6
KONTEJNERI	3	3					
GUME I OTPAD	2	1	2	4	7		3
SIJENO	5	1					
PLINSKA BOCA		1					
OSTALO	7	12	4			6	1
<b>UKUPNO</b>	<b>65</b>	<b>46</b>	<b>95</b>	<b>127</b>	<b>55</b>	<b>50</b>	<b>63</b>

## 6. ZAŠTITA OD POŽARA (PREVENTIVA)

### a) APARATI ZA POČETNO GAŠENJE POŽARA

Vatrogasna jedinica Tešanj u 2015. godini servisirala je 8296 vatrogasnih aparata različitih vrsta i tipova aparata. Općina Tešanj je u 2015. godini nabavila opremu za kontrolu ispravnosti tijela boce vatrogasnih aparata, što će doprinijeti radu servisa vatrogasnih aparata u budućnosti.

### b) HIDRANTSKA MREŽA

Prema Zakonu i Pravilniku javno preduzeće koje upravlja vodovodnom i hidrantskom mrežom, dužno je pri izgradnji, rekonstrukciji i korištenju vodovodnih mreža, osigurati propisani kapacitet i pritisak vode u hidrantskoj odnosno vodovodnoj mreži za potrebe gašenja požara, tj. „javna preduzeća i druga pravna lica dužna su stalno održavati u ispravnom stanju hidrantsku mrežu, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu“, što je u konkretnom slučaju nadležnost za JKP „RAD“ DD Tešanj, a mjesnih vodovoda Mjesne zajednice koje upravljaju istim ili preduzeća koja upravljaju.

Prema pregledu i kontroli hidrantske mreže za područje općine Tešanj, prikazujemo stanje hidrantske mreže za 2015. godinu:

### Pregled postojeće hidrantske mreže za područje općine Tešanj,

Red. br.	MJESTO	BROJ HIDRANATA			VRSTA HIDRANTA	NAPOMENA
		ISPRAVNI	NEISPRAVNI	UKUPNO		
1.	Tešanj	21	1	22	Podzemni	Zamijenjena dva neispravna hidranta u 2015. godini, jedan kod Socijalnog a drugi kod starog hotela, ostalo je da se zamijeni još jedan.
2.	Jelah	10	1	11	Podzemni	Neispravan hidrant, na spisku za zamjenu je bio i 2015. godine, ali nije zamijenjen, ostaje za 2016.godinu
3.	Jelah-polje	3	/	3	Podzemni	
4.	Vukovo	3	/	3	Podzemni	
5.	Čifluk	2	/	2	Podzemni	



6.	Potočani	2	/	2	Podzemni	
7.	Miljanovci -Lončari	31	5	36	Podzemni	
8.	Miljanovci Novi	23	0	23	Podzemni	
9.	Piljužići	9	5	14	Podzemni	
	<b>UKUPNO:</b>	<b>104</b>	<b>12</b>	<b>116</b>		
<b>VODOVOD „ROSSA” DOO</b>						
11.	Novo selo	3	1	4	Nadzemni	
12.	Žabljak	1	/	1	Nadzemni	
13.	Rosulje	8	0	8	Nadzemni	
14.	Ljetinić	4	0	4	Nadzemni	
15.	Medakovo	1	0	1	Nadzemni	
	UKUPNO:	17	1	18		
	<b>SVEGA:</b>	<b>121</b>	<b>14</b>	<b>134</b>		

Općina Tešanj je sa JP "RAD" d.d. Tešanj potpisala sporazum o finansiranju nabavke i ugradnje 6 novih hidranata na lokacijama gdje su hidranti potrebni , a prema zapisniku i pregledu su neispravni i nisu se mogli popraviti. Do zaključenja ove informacije zamijenjena su 4 nova hidranta, a preostala 2 još nisu.

## 7. REKAPITULACIJA NABAVLJENE OPREME U 2015. GODINI

### Rekapitulacija nabavljene opreme u 2015. godini:

Red. br.	Javna nabavka	Pregled sredstava	Količina	Napomena
1.	Nabavka rabljene autocisterne	Vozilo autocisterna MAN, zapremina 12 m <sup>3</sup>	1 kom.	
2.	Nabavka dostavno vozila WV Cady	Voilo za preventivu i za rad u servisu vatrogasnih aparata.	1 kom.	
3.	Nabavka opreme za servis vatrogasnih aparata	Komplet opreme za servisiranje vatrogasnih aparata	1 komplet	
4.	Nabavka prenosne vatrogasne pumpe	Vatrogasna centrifugalna pumpa, otporna na agresivnu vodu, Nazivna snaga 1500 l / min k	1 kom	

5.	Nabavka i ugradnja sistema za dopunu vatrogasnih vozila strujom i zrakom,	Retbox air 230 V/24V, za napajanje električnom energijom i komprimiranim vazduhom, automatsko odvajanje (24 V) kad se startuje vozilo,	Za 4 vozila	
6.	Nabavka i ugradnja svjetlosno signalne opreme	LED Svjetlosni blok, Mobilna sirena (elektronsko pojačalo i zvučnik),	2 kompleta	
7.	Nabavka i ugradnja osnovne instalacije za dopunu vatrogasnih vozila strujom i zrakom,		Za sva garažna mjesta u domu	
8.	Lakiranje vozila MAN cisterna za vodu i dostavnog vozila WV Cady		2 kom	
9.	Nabavka vatrogasne opreme	Vatrogasna crijeva Ø 52 mm,	30 kom	
		Vatrogasna crijeva Ø 75 mm,	5 kom	
		Vatrogasne ljestve kukače,	2 kom	
		Kompresor za punjenje boca izloacionih aparata komprimiranim zrakom 200/300 bara	1 kom	
10.	Nabavka opreme za pripadnike CZ i Štab CZ (odjeća)	Jakna Štaba CZ sa amblemom i činom	13 kom.	
		Kabanica kišna sa natpisima i oznakama	200 kom.	
		Prsluk florescentni sa natpisima	230 kom.	

U narednom periodu potrebno je raditi na nabavci : vatrogasnih ljestava, zamjena postojećeg vatrogasnog vozila za gašenje požara u industriji i dr.

Sva ova vozila su tehnički ispravna i registrovana i redovno se održavaju.

**Kako bi vatrogasna jedinica bila što mobilnija i efikasnija, vatrogasna oprema i tehnika mora biti pouzdana i sigurna.**

## 8. ZAKLJUČCI I PRIJEDLOZI ZA POBOLJŠANJE RADA

U cilju objektivnog praćenja efikasnosti i efektivnosti civilne zaštite i profesionalne vatrogasne jedinice, potrebno je:

- Nastaviti popunu Službe civilne zaštite, sa akcentom na popunu Profesionalne vatrogasne jedinice u skladu sa Pravilnikom i budžetom ,
- Kontinuirano planirati nabavku vatrogasnih vozila, opreme i drugih materijalnih sredstva, prema potrebi vatrogasne jedinice i u skladu sa finansijskim mogućnostima,
- Nastaviti sa edukacijom profesionalnih vatrogasaca sa posebnim akcentom na edukaciju mladih vatrogasaca i edukaciju iz specijalističkih oblasti zaštite i spašavanja,
- U narednom periodu nastaviti sa saradnju sa dobrovoljnim vatrogasnim jedinicama formiranim u dobrovoljnim vatrogasnim društvima.
- U saradnji sa JKP „RAD“ DD Tešanj po prioritetu Vatrogasne jedinice osim održavanja i ispitivanja, gdje je neophodno, instalirati nove hidrante u skladu sa finansijskim mogućnostima,
- Nastaviti sa opremanjem, službi, jedinica i povjerenika.
- Kontinuirano vršiti osposobljavanje Štaba civilne zaštite za obavljanje funkcije rukovođenje u uvjetima prirodnih i drugih nesreća,
- Redovno informisati javnost o obavezi provođenja preventivnih mjera, radnji i postupaka u okviru provođenja lične i uzajamne zaštite građana.
- Uspostaviti još bolju saradnju sa Kantonalnom i Federalnom upravom civilne zaštite u svim segmentima, a posebno u sufinansiranju, stručnoj obuci i osposobljavanju.
- Uspostaviti još bolju saradnju sa susjednim profesionalnim vatrogasnim jedinicama i dobrovoljnim vatrogasnim društvima u svim segmentima,

OBRAĐIVAČ:

POMOĆNIK OPĆINSKOG NAČELNIKA  
U SLUŽBI CIVILNE ZAŠTITE  
mr.sig. Mensur Saletović, prof.

PREDLAGAČ:

OPĆINSKI NAČELNIK  
Mr. Sc. Suad Huskić, profesor

Datum: 00.03. 2016.godine

Broj:07-44-6 -1049 /16